


Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

19.11.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Գրիգոր Գրիգորյանի դիմումի շուրջ ստեղծված նյութերը՝

Պ Ա Ր Զ Ե Ց Ի



2018թ. հոկտեմբերի 19-ին Երևան քաղաքի Ծովակալ Իսակով փողոցի 46 շենքի 15 բնակարանի բնակիչ Գ.Գրիգորյանը դիմում է հասցեագրել այն մասին, որ ստացել է վարչական տույժ նշանակելու մասին ԱԴ թիվ 429859 որոշումը, որի հետ համաձայն չէ, քանի որ ճՈ տեսուչը չի ունեցել տեսանյութ, որտեղ կերևար չամրակապված երթևեկելու փաստը: Քաղ. Գ.Գրիգորյանը նշել է նաև, թե ինչպես ինչպես ճՈ տեսուչը կարող է պահանջել իրենից ամրակապվել, եթե նա նույնպես երթևեկում էր անվտանգության գոտիով չամրակապված:

Դիմումի ուսումնասիրությամբ պարզվել է, որ 2018թ. հոկտեմբերի 9-ին ժամը 11.10-ին Երևան քաղաքի Ամիրյան փողոցում Գ.Գրիգորյանի վարած «Միցուրիշի» մակնիշի 34 TN 377 հաշվառման համարանիշի ավտոմոբիլը կանգնեցվել է ճանապարհային ոստիկանության ուղեկցող սպայական վաշտի 3-րդ սպայական դասակի տեսուչներ, ոստիկանության մայոր Ռուանդ Կիզիրյանի և ոստիկանության կապիտան Արսեն Անանյանի կողմից ճԵԱԱՄՕ-ի խախտման համար, այն է՝ վարորդն ավտոմոբիլը վարել է անվտանգության գոտին չամրակապած վիճակում: Վարորդի նկատմամբ կազմվել է վարչական իրավախախտման վերաբերյալ արձանագրություն և, համաձայն ՎԻՎ 33 օրենսգրքի 123.3 հոդվածի, կայացվել է ԱԴ թիվ 429859 որոշումը՝ վերջինիս 5.000 դրամ տուգանելու մասին:

Ըստ տեսուչների գրավոր բացատրությունների՝ իրավախախտումը հայտնաբերելուց հետո ավտոմոբիլը սահմանված կարգով կանգնեցվել է, տեսուչ Ռ.Կիզիրյանը մոտեցել է վարորդին, ներկայացել, հայտնել իրավախախտման բնույթն ու փաստաթղթերը ստուգելուց հետո կազմել է համապատասխան արձանագրություն: Վարորդը չի ընդունել իր կողմից թույլ տված իրավախախտումը, հայտնել, որ նման օրենք չկա և ինքը կարող է երթևեկել անվտանգության գոտին չամրակապված, ինչի պատճառով արձանագրություն կազմելուց հետո հայտնել է, որ համաձայն չէ խախտման հետ: Գ.Գրիգորյանը նշել է իր անհամաձայնությունն արձանագրության մեջ, ինչից հետո ստորագրել և ստացել է որոշման իր օրինակը: Տեսուչները հայտնել են նաև, որ նշված ավտոմոբիլի վարորդի իրավախախտումը եղել է ակնհայտ, պարզ տեսանելի, անմիջապես իրենց տեսադաշտում:

2018թ. նոյեմբերի 16-ին հեռախոսակապի միջոցով, քաղ. Գ.Գրիգորյանը ճանապարհային ոստիկանության պետին հասցեագրած դիմումի քննարկմանը մասնացելու նպատակով հրավիրվել է ճանապարհային ոստիկանության ճՊԾ բաժին, որտեղ պնդել է դիմումում նշված հանգամանքները, խնդրել է դիմումը քննարկել և արդյունքների մասին տալ իրեն գրավոր պատասխան:

17-2-6288

«Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի, ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ Գ.Գրիգորյանի արարքում առկա է Վարչական իրավախախտումների վերաբերյալ ՀՀ օրենսգրքի 123.3 հոդվածով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի

1. Գ.Գրիգորյանի դիմումը թողնել առանց բավարարման, իսկ ճանապարհային ոստիկանության ուղեկցող սպայական վաշտի 3-րդ սպայական դասակի ավագ տեսուչ, ոստիկանության մայոր Ռոլանդ Կիզիրյանի կազմած վարչական իրավախախտման արձանագրության հիման վրա 2018թ. հոկտեմբերի 9-ին կայացրած ԱԴ թիվ 429859 որոշումը՝ Գրիգոր Գրիգորյանի հիմն հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

Կատարող՝ Դ.Սաֆարյան

հեռ. 011-567944



Ե. Կարապետյան